

*Bogdanović M.
Kedegović O.V.*

Mjesne zajednice (Modrinje, Bilješevo, Lućani, Sopotnica, Donji Kakanj, Gora)

Neformalna grupa građana "Za čist zrak"

NVO "Alternative" Kakanj

ACT – Atelje za društvene promjene

BOSNA I HERCEGOVINA

FEDERACIJA BOSNE I HERCEGOVINE

ZENIČKO-DOBOJSKI KANTON

OPĆINA KAKANJ

OPĆINSKO VIJEĆE KAKANJ

OPĆINSKI NAČELNIK

06-12-2024

09. 12. 2024

Org. jed.	Dio	Prilog	Vrijednost
0211-	2214/	24	

Kakanj, 6.12.2024.

**GRAĐANSKA INICIJATIVA ZA IZRAŽAVNJE NEGATIVNOG STAVA OPĆINE KAKANJ I
OPĆINSKOG VIJEĆA KAKANJ O ZAHTJEVU ZA OBNAVLJANJE OKOLINSKE DOZVOLE
BIOOGRANIKA D.O.O. KAKANJ ZA IZGRADNJU TVORNICE ZA PRERADU
NUSPROIZVODA ŽIVOTINJSKOG PORIJEKLA I NJIHOVIH PROIZVODA U KAKNJU**

Posnosilac građanske inicijative:

MZ Modrinje, MZ Donji Kakanj, MZ Bilješevo i Lućani, MZ Gora

Neformalna grupa građana Za čist zrak,

NVO "Alternative" Kakanj i

ACT (Atelje za društvene promjene)

Prilog: Peticija – potpisi 2142 građana/građanke Kaknja, odnosno 6,26 % upisanih u birački spisak što je za 432 potpisa više od Statutom definisanog broja građana za pokretanje građanske inicijative

Poštovani,

U skladu sa Statutom Općine Kakanj, član 99. kojim je definisan način pokretanja građanske inicijative, podnosimo građansku inicijativu za iskazivanje negativnog stava u vezi Zahtjeva Bioorganika d.o.o. Kakanj za obnavljanje okolinske dozvole za **Tvornicu za preradu nusproizvoda animalnog porijekla i njihovih proizvoda**

Na osnovu člana 99. Statuta Općine Kakanj ("Službene novine Općine Kakanj" broj: 4/08)

podnosimo ovu građansku inicijativu u cilju:

- **negativnog izjašnjavanja Općinskog vijeća Kakanj o zahtjevu za izadanje rješenja o obnavljanju okolišne dozvole za Tvornicu za preradu nusproizvoda životinjskog porijekla i njihovih proizvoda podnesenog Federalnom ministarstvu okoliša i turizma od strane Bioorganika d.o.o.**

U skladu sa Statutom Općine Kakanj kojim se jasno definiše procedura u vezi građanskih inicijativa predlažemo da se OV Kakanj o ovoj građanskoj inicijativi izjasni na prvoj narednoj sjednici, planiranoj u decembru 2024.

Tražimo od OV Kakanj da:

- u najkraćem roku, dostavi Odgovor na građansku inicijativu pokretačima inicijative, te da
- U produženom roku zadanom od strane nadležnog Ministarstva za dostavljanje primjedbi, ISTOM Ministarstvu dostavi Zaključak sa negativnim stavom OV u vezi zahtjeva za obnavljanje gore pomenute okolinske dozvole.

NAPOMENA: Potpisi iz ove građanske inicijative će također biti korišteni i kao dokaz pri prilaganju primjedbi i komentara Federalnom ministarstvu okoliša i turizma, protivljenju izdavanja obnovljenog rješenja o okolišnoj dozvoli za tvornicu za preradu nusproizvoda životinjskog porijekla i njihovih proizvoda, od strane fondacija i udruženja građana koja se bave zaštitom okoliša.

O b r a z l o ž e n j e:

Prema odredbama Statuta Općine Kakanj, gore navedeni broj, u čl. 99.:

"Građani mogu Općinskom vijeću podnositi inicijative za **donošenje određenog akta** ili rješavanja određenog pitanja iz samoupravnog djelokruga Općine koja je od **posebnog i neposrednog interesa za građane.**"

Blizina naselja i mogući uticaj na zdravlje građana

Predložena lokacija postrojenja nalazi se u neposrednoj blizini naselja gdje živi veliki broj stanovnika, što izaziva zabrinutost zbog negativnog uticaja na zdravlje i kvalitet života. Aktiviranje ovog postrojenja moglo bi dovesti do povećanja emisije neprijatnih mirisa i zagađivača (u prvom redu H₂S i merkaptani – toksični plinovi uzročnici pojave neugodnih mirisa) koji negativno utiču na okolinu i zdravlje ljudi.

Opasnost po okoliš i potencijalno narušavanje kvaliteta života

Postrojenje za preradu nusproizvoda životinjskog porijekla ima mogućnost ispuštanja štetnih supstanci koje bi mogle dodatno narušiti kvalitet zraka i tla, a u najvećoj mjeri zagaditi rijeku

Bosnu. Na prostoru naše općine usljed industrijskog zagađenja zrak je nerijetko loše kvalitete i izgradnja pomenute tvornice bi dodatno opteretila našu opštinu. Građani izražavaju zabrinutost da bi nastavak rada postrojenja mogao izazvati dugoročne ekološke posljedice koje bi narušile okoliš i prirodne resurse, što bi uticalo na kvalitet života građana i budućih generacija.




Jasno izraženo protivljenje građana

Značajan broj građana Kaknja javno je izrazio neslaganje s obnovom okolišne dozvole za navedeni objekat, navodeći da bi njegovo poslovanje predstavljalo rizik za zajednicu. Uvažavajući ovo protivljenje, smatramo da Općinsko vijeće Kakanj treba zauzeti stav koji odražava interese građana te informisati Federalno ministarstvo okoliša i turizma o primjedbama i zabrinutostima zajednice.

Za sprovođenje ove inicijative nisu potrebna finansijska sredstva.

Kakanj, 6.12.2024.

Ispred podnosioca građanske inicijative:

Edina Dogdibegović 
Maksuma Topalović 
Azra Berbić 
Lejla Kusturica 




ADRESA za dostavljanje odgovora podnosiocu inicijative

NVO „Alternative“ Kakanj

Šehida 5, 72 240 Kakanj

NGG „Za čist zrak,, (Dogdibegović Edina)

Ulica Imamovića 52, Kakanj

Fondacija Atelje za društvene promjene - ACT

Mošćanica 19, GRAD, Sarajevo